

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Sarasa, Alfonsus Antonius de
Antverpiae, 1664

Conclvsio.

urn:nbn:de:hbz:466:1-13517

veniat, qui reformabit corpus humilitatis meæ, configuratum corpori ^{Ad Phil.}
claritatis sue; Tum verò simul cum Domino erimus. Hæc vitæ meæ ^{3.}
^{1. Thes. 4.} scena, hic decursus, hic exitus.

CONCLVSI O.

I Am verò, quid demum est in conditione meâ, de quô meritò 58.
possim conqueri? imò quid non est, de quo mihi non gratuler;
Deoque gratias agam, si fieri posset, etiam infinitas? An non ea
felix dicenda est vita, quæ ad æternam dicit felicitatem? An
alius esse volo qui ad tanta natus sum, & pér ea quæ iam acci-
dunt felicissimè isthuc deuehor, & deducor? Certe mortalis sis
licet homo, multisque, ut tu quidem credis, miserijs implicatus,
nihilominus vti rectè Poëta; *Quod es, esse velis, nihilque malis.*
Hoc omnis lœtitia est compendium, imò solum in hâc vitâ gau-
dium. Illud autem quovis in statu datur obtinere: & verò si tuo
contentus viuis, propterea quòd Deo ita sit visum, sanè re-ipsâ
iam obtines,

Cæterum, finge tibi quascumque vel imaginatione assequi po- 59.
tes delicias, commoda & voluptates, cælestes modò excipias,
nullam sane reperies, quæ huic comparari possit. Audeo dicere
non aliud gaudium in mundo dari, præter animum securum
sui, & vero contentum suo. Cælum is est, Paradisus est, situs
quamuis in medio terræ; inter medias tempestates semper illic
serenum est; alias si delicias queritis, nequicquam queritis; fu-
catæ sunt alia omnes, falsæ sunt, quæque multum habeant no-
minis, nihil rei. Huic ergò querendo insistit; intra vos est,
neque alio loco inuenitur, quam in animo rectè constituto.

Verūm, ut vidistis, tota mentis rectè ordinandæ ars, ab exi-
miâ illâ, præclarâque de Diuinâ Sapientiâ opinione, & existi-
matione dependet; omnis tranquillandæ mentis fundamentum
hæc est, neque singularum rerum rationes pérquirendæ sunt, vt
mentem places, euentibusque acquiescas; illud solum sufficit,
fixum ratumque habere, nihil præter Sapientissimæ Mentis or-
dinationem, cuius tantam concepisti existimationem, in totâ
naturæ serie euenire.

Scio quidem, summâ cum animi voluptate, singularum quæ 60.
circa nos contigerunt rerum, exactissimas rationes, perspectu-
ros

ros nos tum cùm reuelatā facie Sapientiam illam increatam in cælis dabitur intueri ; illic summo cum gaudio admirabiles adinuentiones tantæ Mentis approbabimus , eas æternitate totâ decentaturi. At quod isthic oculis ipsis sumus intuituri, hoc nunc fide credimus , & verò etiam, naturæ benè ratiocinantis ductu, vt cumque assequimur : sic vt in pias illas voces admirationis & gaudiij plenas cum Psalmistâ erumpere meritò possimus : *Magnus Dominus , & laudabilis nimis , & sanctus in omnibus operibus suis.*

61. Æterna Mens , Prouidentia sancta , Sapientia infinita ! Ah ! quí fieri potuit, vt me tanto tempore latueris, quæ toto orbe tam es manifesta ? Cæcum heu me, & verò stolidum & insipientem ! In quibus denique errorum tenebris latui, tam præclaram lucem haec tenus quòd non conspexi ! O quantas tibi gratias debo , Æterna lux, tenebras tam tristes quòd discusseris ! Certè, hoc unum
Sen. 1. de cum Demetrio de te conqueri possum, quod non ante mihi Volunta-
Prou. c. s. tem tuam notam fecisti : prior enim ad ista venisse, ad que nunc
vocatus adjui. Quid igitur à me exiges Magne Deus ? infinita
Mens, quid requiris ? Vis liberos sumere ? illos tibi sustulî. Vis ali-
quam partem corporis ? sume ; non magnam rem præmitto ; citò to-
tum relinquam. Vis spiritum ? Quidni ? nullam moram facio , quòd
minus recipias quod dedisti. A volente fers, quidquid petieris Quid
ergò est ? Maluisse offerre , quam tradere : quid opus fuit auferre ?
accipere potuisti. Sed ne nunc quidem auferes ; quia nihil eripitur
nisi retinenti. Nihil cogor , nihil patior inuitus ; nec seruo Deo, sed
assentio ; eo quidem magis, quòd scio omnia certâ & in æternum di-
cta lege decurrere.

62. Et hic quidem apex est, Auditores, totiusque perfectionis culmen ; non tantùm ea quæ eueniunt, nobis accidere vt patiamur; sed vt calculum non inuiti , at sponte nostrâ sine hæsitatione adiiciamus , nostroque suffragio facta penitus comprobemus. Hoc est gaudere rem ita se habere, pro vt se habet ; hoc est magnificum illud, & verò etiam heroicum *Fiat voluntas tua* ; illud autem, summa est , non voluntatis tantùm , sed & iudicij cum Deo conformatio. Hanc denique sequi debet prompta gratiarum actio, quâ Directori nostro optimo & maximo summas habeamus grates, tanto consilio, & industriâ id nobis quòd selegebit, in tantâ rerum, conditionum, & fortunarum varietate, quod

G g g rebus

rebus nostris salutique iudicabat maximè conducere, & verò etiam suam gloriam præclarissimè promouere.

Quid ad hæc, Auditores? Quò demum estis animō? An aliquando tandem sine vllā hæsitatione vos, vestraque omnia tam Sapienti Deo committetis? An adhuc fortassis iudicium vestrum, quod vidētis quām sit tenue, quām cæcum, quām inconsans, arbitrio omnia circumspicientis, vestramque salutem tenerimè adamantis Dei, vultis interponere? vbi ergò tanti Numinis existimatio? vbi præclara, quam conceperistis de Sapientissimā Mente opinio? Aut aliquid fortasse detractum cupitis, aut adiectum æternæ Prudentiæ præclarissimis decretis? Ne quæsio tantam Deo vestro, imò & vobis ipsis iniuriam inurite. Illud certè cum Epicteto vobis ingeram. *Homo, aude tandem sublati ad Deum oculis dicere: Tracta me post hac arbitratu tuo; eiusdem tecum sum animi, nihil recuso, quo tibi videtur; quo voles ducito: veste quā voles induito. Vis me fungi magistratu? Privatum vitam agere? Manere, exulare, pauperie conflictari, opibus abundare?* Ego te apud homines defendam, rectèque omnia circa me agi mordicus tuebor; & nusquam partes tuas agam impensis, quām vt contra corporis mei semper obmurmurantis infanas affectiones, decreta tua sanctissima propugnem.

Quod si eximum hunc de Diuinitate sensum altè animo imbiberitis, Auditores, tum verò dicam ego vobis, felicissimos inter mortales esse vos; eam vos consecutos esse, quam mundus dare non potest pacem; illudque cum Apostolo vobis gratulabundus occinam, vt isthic terminetur vbi incepta est oratio; *Gaudete in Domino semper, iterum dico gaudete; dicitur pax Dei que exsuperat omnem sensum, custodiat corda vestra, dicitur intelligentias vestras in Christo Iesu Domino nostro. Amen.*

64.

Apud Al.
ria. 1.2.
c. 16.

65.

Ad Ph.
lip. 4.

F I N I S.

ELEN-